

خالد الشافعي يكتب: النتائج المترتبة على التخلي عن السلمية



الخميس 20 نوفمبر 2014 12:11 م

الناشط الإسلامي - خالد الشافعي عبر فيسبوك:

المشكلة إنك مش واخذ بالك إن النتائج المترتبة على التخلي عن السلمية ممكن تكون أسوأ ألف مرة من اللي بيقهرك دلوقت
المشكلة إنك فاكِر إنك انت لما تبدأ في مقاومة عنيفة ومسلحة هتحدث نكايَة والطرف الآخر هيقولك أنا آسف وخلص مش هاعمل كده
تاني

المشكلة إنك لا تملك حاضنة شعبية ولا القوة اللي تمكّنك من مواجهة الآلة الحربية الجرارة الغاشمة التي لا ترقب فينا إلا ولا ذمة
زعلان ومقهور من التنكيل والقتل والاعتقال والاعتصاب ومتخيل إنك لما تبدأ تقتل وتنتقم وتوجع، الطرف الثاني هيستمر رد فعله
بالمستوى الحالي ومش حاطط في دماغك إن تخليك عن السلمية يعني تضاعف القتل والتنكيل والاعتصاب آلاف المرات
يا حضرة الغاضب الشريف : غضبك مفهوم بس لازم تكون عندك إدراك لقدراتك وقدرات خصمك وطبيعة الواقع والبيئة اللي بيدور فيها
الصراع

يا حضرة الغاضب النبيل : بمجرد ما تغير تكتيكك وتبدأ توجع خصمك سيتم دكك بالطائرات والصواريخ والغازات السامة والقنابل الحارقة
حضرتك هتتأرب في بيئة بتكرههك وتلفظك وانت بالنسبة لهم شيطان
حضرتك بتتأرب وقيادات الصف الأول والثاني في المعتقلات والقبور والمنفى
حضرتك بتتأرب وانت ما عندكش الحد الأدنى من أي حاجة مطلوبة إلا الغضب والكمد وقهر الرجال
هناك فرق شاسع بين الشجاعة والاقدام وبين التهور والانتحار